

Charvate 8. VI. 1925,
R. 20 con 40 pp. N. 3
e 40 fl.

Illustre domino praesidante!

Multas gratias pro litteras et charta postale et 50 + 30 exemplares
APB et 30 exemplares de Interlingua. Secundum meo propositione ad vos,
me habe incepto organisatione de Associatione de Interlingua. Primo 50
exemplares de APB me habe statim post acceptione diffuso inter catholico
clero cum charta de Associatione ad Associatione de Interlingua et cum
explicatione de scopo de APB et Interlingua, de periodicos et publicationes scripto in
Interlingua, de necessitate et magno usu de Interlingua pro relationes inter
populos, pro organisatione de labore scientifico et practico, etiam me habe
in isto charta explicato importantia et occupatione de delegatos. Isto
charta me habe addito ad 30 exemplares de APB et de Interlingua, quos
me habe heri misso ad collegios de professore de gymnasios. Uno
exemplare de isto charta sicut et tabula de personas et scholas, ad qui
me habe misso exemplares, me adde ad isto litteras. Uno articulo

explicanti historia de APT, grammatica de Interlingua et organisatione
de APT me habe misso ad "Lech", diario officiale de catholico clero et
simile articulo cum exemplares de APT me habe misso ad "Korrespon-
denzblatt für den katholischen Klerus" in Austria. Me habe precatō
ambo redactiones ut illos mitte ad vos exemplares, ubi i esse publicatō
meo articulo. Me habe communicatō in chartas et in articulos nomine
et habitatione de thesaurario domino Ing. G. Laneri, nam me vol ut
omni pecunia es in uno loco. Me sci, quod maximo inimico de omni
interlingua; exemplo Esperanto. es dispersione de forte et pecunia. U & A,
organisatione de esperanto habe ses mille de membros, nam plurimo
esperantistas abona nullo periodico et non pote organisa se pro defici-
ente pecunia. Me opina meliore, si nostro thesaurario recipere pecunia
de omni socio et si actione de me et de alios, quos me i preca ut
collabora in modo simile in patria suo, habe successu, nos pote
habe plure periodicos. mestrare pro scientia, theologia, radio et sport
etc. Pro isto causa es in charta de associatione rubrico: vol collabora

in A.P.S. de themas, ut nos pote vide vario interesse de socios et ita
pote stabili amplitudine et substantia de periodicos. Organisatione de
A.D.S. me opina in modo sequente. Omni socio - qui habe pacto quota
de associatione 10Fr - es per isto membro de A.P.S. et A.D.S. Praesidente
de ambo es vos, thesaurario Ing. J. Camesi. In omni territorio, statu es
1 organisatore, qui ducit propaganda de A.P.S. et A.D.S. et delegatos,
qui es socios, que habe isto officio accepto voluntario et habe stabile habita-
tione. Sui labore es propaga A.P.S. et A.D.S., diffunde publicationes de propagatione
in suo regione, acquire socios novo et exige ab illos quota de associatione, da
informationes utile ad socios, qui desidera id et in modo praeciso responde
quaestiones de praesidio de A.P.S. et A.D.S. Omni socio indica in charta de associatione
omne, que es ad illo necesse et desiderabile. A.P.S. publica in proximo numero
nomine et habitatione de socios novo cum indicatione, de que illos desidera
corresponde, que vol cambia etc. Omni socio debe reple obligationes, que
voluntario accepta in charta de associatione. Consilio directivo resolve
inter socios, si illos habe querelas inter se. Cetero rubrica de charta
de associatione es destinato ad praesidio de A.P.S. et A.D.S., ut isto pote secun-
dum illos publica almanacho cum alphabetico tabula de nomine et habita-
tione de socios (si numero de socios si ultra magno - soli cum tabula de
delegatos) cum additos notas 1-6 de charta de associatione. Almanacho
appare dum ultimo mense de anno (1925 etc.) pro anno sequente, ut omni

socio pote accepta id dum januario. Almanacho habe forma de sacculo
calendario; primos 4 pagina es legitimatione de socio. Pagina I. habe signo
de APS et nomine de APS et ADJ. Pagina II. es loco pro photographia de socio
et sub isto linea pro subscriptione de illo, que omni socio pote attestata
per notario aut alio persona competente secundum lege de suo statu; pag.
III. habe numero ordinale de socio, nomine et habitatione suo et subscriptione
de praesidente et thesaurario de APS et ADJ; pag. IV. habe indicationes necesse
de APS et ADJ. Postea segue calendario pro anno 1926 et parte encyclopaedico:
chronologio (Gregorio, Julio, mahomedano, hebreo, romano calendarios, computatione de
ecclesia, indici astronomico, meteorologio, tabula de capitale ferrovias, tabula de
radiotelephonia et telegraphia, tabula comparante pecunia secundum cursu de
dollar, tabula de posta (atele, etc.), de aëriposta, tabula de maritima navigatione
(capitale lineas), tabula de status (numero de habitantes, urbs capitale, gubernatione,
nomine de gubernatore, heraldico simbolo de statu, colores de vesillo de statu,)
et simile practico et utile tabulas comparante. Postea indicu de libros, periodicos
etc. usque ad fine 1925 in Interlingua publicato, indicu de periodicos favores
ad Interlingua; plure paginas blanco ad notations. - Organisatores due organiza-
-tione in suo statu, semper in consensu cum praesidente de APS et ADJ. Illos
collabora praesire et (debato) particulare plano de propagatione pro definito
tempore et debe fac omne, ut actione habe successu. ADJ es societate inter-
-populare ad practico usu de Interlingua in labor scientifico, arte, sport etc.
Propagatione dum 1925: clericos, professores, studentes de gymnasios et universitates,
medicos, pharmacista. Me mitte in diversu statu simile propositione; nomine
de personas, quos me prece ut collabora, me i mitte ad vos statim, postquam
me habe isto actione finito. Me prece vos, indica ad me nomine de socios
in Italia, qui pote et vol modo energico collabora in modo simile. Si vos
pote mitte ad me plure exemplares de APS et J, me i esse ad vos ultra grato.
Pro studentos in gymnasios nos pote fonda periodico speciale ab illos scripto.
meliore esset si nos i habe chartas de associatione impresso.

Multas gratias ad vos et cordiale salutationes ad vos et
actim. dom. ing lauri de D^r Jindřich Šima,
Charvátke, p. Mšeno u Budyně n. l. Cechoslovakia